



UNIVERSITÄTS-  
BIBLIOTHEK  
PADERBORN

## **Vitæ Pontificum Romanorum**

Ex Antiquis Monumentis Collectæ

**Sandini, Antonio**

**Bambergæ, 1753**

CCXXI. Clemens VII. Anno Christi 1523. Caroli V. Romanorum Regis 5.

---

[urn:nbn:de:hbz:466:1-65477](https://nbn-resolving.org/urn:nbn:de:hbz:466:1-65477)

CCXXI.

## CLEMENS VII.

ANNO CHRISTI 1523.

CAROLI V. ROMANORUM  
REGIS 5.

UNIVERSIS Ecclesiæ rebus pro-  
curandis XIII. Kal. Decembr. anno  
1523. eligitur *Fulius* Cardinalis *Me-*  
*diceus*, Leonis X. patruelis, appella-  
turque *Clemens VII.* Hic in gratiam  
recepit Franciscum Cardinalem So-  
derinum, quanquam ex arcis Hadria-  
næ carcere admissus in Comitium  
Pontificale obstiterat pugnacissimè,  
ne Pontifex fieret. Approbavit Con-  
gregationem *Clericorum Regularium*  
institutam ab Joanne Petro Caraffa  
Episcopo Theatino, & Cajetano  
Thienseo Sacerdote Vicentino. An-  
no 1525. *Jubilæum* celebravit. Eo-  
dem anno Nonis Februar. Venetâ  
annitente Republicâ, quod liquet ex  
MS. probatissimo, edidit constitu-  
tionem, quâ aliam Leonis X. confir-  
mans statuit, ut Clerici Urbis Ve-  
netiarum eâ, quæ adhuc servatur,  
ratione eligerentur in *Plebanos* & alios

Rayn. an.

1523. §.

125.128.

Spond.

§. 25.

Rayn. an.

1524. §.

1 2.

Spond.

§. 13.

Mmm 3

Ti-



*Titulos.* (1) Post Caroli Borbonii defectionem ab Gallis verens potentiam Caroli V. Regis Hispaniæ & Romanorum, pro tuenda Italia libertate fœdus iniit cum Regibus Galliæ & Angliæ, Venetis, & Francisco Sfortia Mediolanensium Duce, eam interponens causam, quod Carolus in Hispania edicto statuisset, ut Senatus Regius Pontificia diplomata examinaret. Offensus hâc societate Carolus V. indicit Clementi bellum, cui initium fecerant Columnneses, infestissima Pontificibus familia, qui cum Hugone Moncata Regni Neapolitani Prorege haud exiguis militum copiis stipati Urbem mane summo ingressi, ædes Pontificis nihil tale opinantis invadunt, diripiuntque. Id omen pertinuisse arbitror ad captam deinde Urbis Romanæ, quod paulo post accidit, cladem. Nam Carolus Borbonius in Italiam à Carolo V. missus exercitu Romæ admoto Urbem, spretâ induciarum fide, obedit, captamque, dum inter primos conscendit muros, globulo plumbeo in femur ad inguina ictus & occisus, militibus, Lutheranis plerisque, fœdè diripi-

Rayn. an.  
1526. §.  
6. 19.  
Spond.  
§. 4. 7.

Rayn, an.  
1527. §. 16  
22. 46.  
Spond.  
§. 2. 4.  
6. 10.



diripiendam relinquit. (2) Clemen-  
tem in arce Hadriani, quò se rece-  
perat, obsessum Philibertus Arausi-  
canus in locum Borbonii succedens  
compellit ad deditionem durissimis  
conditionibus, ac tamdiu habet in  
custodia, quoad omnes impleat. Post  
menses septem Clemens sibi timens  
ab astu Hispanorum, mentitâ veste  
simulatôque mercatoris habitu arce  
egressus confugit Urbem Veterem.  
Dein redintegratâ cum Carolo V. Rayn. an.  
amicitiâ, Imperii coronam ei Bono- 1529.  
niæ imponit solemni ritu, receptæ §.60.90.  
que ejusdem auxilio Florentiæ Ale- Spond.  
xandrum pronepotem suum, uti con- §. 1.  
venerat, Ducem præficit. (3) Ex-  
inde multò gravius fuit Clementi ne-  
gotium cum Henrico VIII. Rege  
Anglorum, qui Annæ Bolenæ ille-  
cebris captus enixè petit, ut jubeat  
conjugium suum cum Catharina Re-  
gum Catholicorum Ferdinandi at-  
que Elisabethæ filia, & Caroli V.  
Cæsaris matertera esse irritum. Non  
annuit Clemens, imò causam Romæ  
cognoscendam suscepit, útque Regi Rayn. an.  
amore furenti tempus esset ad resi- 1533.  
piscendum, sententiam prorogavit §.65.78.  
Mmm 4 ad 84.88.



Spond. ad triennium: sed vanâ omnino spe.  
 §. 3. 4. 7. Namque incestæ Henrici cum Bole-  
 10. 11. nâ nuptiæ, ac pervicax ejus adver-  
 Rayn. an. sus Apostolicam auctoritatem contu-  
 15 34 §. macia à Pontifice extorquent ana-  
 4. 5 10. thema, nî intra mensem Catharinam  
 Spond. uxorem legitimam recipiat, ejectâ  
 §. 3. 5. 17 Bolenâ pellice. Aded Clemens in  
 id præsertim studuit, ut Henricus ad  
 officium redire, & Pontificiæ sen-  
 tentiæ obtemperare commodè pos-  
 set. (4) Tantâ Rex clementiâ non  
 modò non avocatus ab incepto, sed  
 in summum Pontificem exacerbatus  
 supra modum, *Ordinum Angliæ de-  
 creto auctoritatem Pontificiam per regnum  
 abrogat, tributum annuum jam ab Ine-  
 temporibus pendi solitum denegat, penam  
 capitis constituit, si quis supremam pote-  
 statem Pontifici adscribat: postremò Ec-  
 clestasticos tam Angliæ, quàm Hiberniæ  
 sacramento adigit, ut se tanquam Ecclie-  
 siæ caput à Christo proximum agnoscant.*  
 (5) Interim Pontifex Pisis solvens  
 Gallicis triremibus, posito in prima-  
 ria Eucharistiæ Sacramento, navi-  
 gat Masiliam. Ibi cum Franciscol.  
 Galliæ Rege congressus Catharinam  
 Mediceam neptem suam matrimonio  
 jun-



jungit cum Henrico filio ejus natu  
 minori, Duci Aurelianensium, (6)  
 agitque de Anglorum Rege revocan-  
 do ab errore. Romam reversus pro-  
 ponit *Protestantibus* conditiones cele-  
 brandi Concilii, quæ ab iis rejiciun-  
 tur. (7) Anno insequente 1534. VI.  
 Kal. Octobr. moritur, cum in vivis  
 fuisset annos sex & quinquaginta, in  
 Pontificatu *decem, menses totidem, ac*  
*dies septem.*

### ANNOTATIONES.

(1) Sixtus V. anno 1590. III. Kal. Jan. aliã  
 constitutione indulsit, ut iidem *Tituli*  
 Venetis Clericis cuilibet Urbis Ecclesiæ in-  
 servientibus essent loco *Patrimonii* à Tri-  
 dentina Synodo imperati.

(2) Roma sexies direpta est. Primùm ab  
 Alarico Gothorum Rege anno 459. seu 410.  
 Innocentio I. Pontifice. Deinde ab Gen-  
 serico Rege Wandalorum anno 455. Leone  
 Magno regnante. Postea anno 546. à To-  
 tila Rege Ostrogothorum, Ecclesiam ad-  
 ministrante Vigilio Rursus ab Aistulpho Rege  
 Longobardorum anno 755. in Pontificatu  
 Stephani II. Præterea ab Saracenis Africae  
 anno 846. Pontificatum gerente Sergio II.  
 Demum ab exercitu Caroli V. anno 1527.  
 sub Clemente VII. quæ direptio fuit om-  
 nium foedissima.

(3) Carolus à Pontifice coronam sumpsit  
 Mmm 5 an-



anno 1530. die natali suo, Feflo S. Mat-  
thiæ. Nullus exinde Imperator legitur à  
Pontifice Romano coronatus. Alexander  
Mediceus Dux Florentinorum conftitutus  
anno infequente.

(4) Natalis Alexander in Hift. Eccl. Sac.  
XV. & XVI. art. 15. apud eos, qui ex  
eventu facta metiuntur, imprudentiæ no-  
tam incurrit Clemens VII. iudicijque  
præcipitis inſimulatus eſt, quòd paucis poſt  
latam ſententiam diebus Romæ reddita  
ſint Henrici litteræ, quibus Pontificis  
iudicio ſe pariturum pollicebatur, modò  
Fidelium communionem minimè ſummoſcere-  
tur, & à Cauſæ cognitione excluderentur  
homines ſibi ſuſpecti, & Commiſſarii ſibi  
non inſenſi Cameracum delegarentur, ea  
excepturi, quæ pro ſua Cauſa proferre cu-  
piebat. Qui poſt menſes unum & viginti  
contigit Catharinæ Reginæ obitus, opi-  
nionem auxit, quòd Pontifex nimid feſti-  
natione ſententiam tuliffet. Eà ſiquidem  
morte, ſi res integræ fuiſſent, finita con-  
troverſa fuiſſet, cuius, inquiunt, præ-  
properum iudicium Regem Regnumque in  
ſchiſmatis draginem ſubmerſit. Malum  
quidem illud Angliæ, quàm Romana Ec-  
cleſiæ, longè funeſtius, Clemens diſ-  
tinare non potuit, quem excuſat Pallavi-  
cinus Cardinalis lib. 3. Hift. Conc.  
Trid



Trid. cap. 15. *Sed etsi fortè peccasset Clemens in præclaram illam S. Augustini Regulam lib. 3. contra Parmenianum cap. 2. Cùm quisque fratrum, id est Christianorum intus in Ecclesiæ societate constitutorum, in aliquo tali peccato fuerit deprehensus, ut anathemate dignus habeatur, fiat hoc, ubi periculum schismatis nullum est: Nihil tamen contra equitatem peccasse dici posset, cùm Regis indomita libido, despecta matrimonii religio, abjecta reverentia in Ecclesiæ Caput pœnam anathematis mererentur. De gestis Clementis VII. hac in causa legendus Sanderus lib. 1. De Schismate Anglicano.*

(5) Thuanus Historiarum sui temporis lib. 1 §. 16. pag. 31. & 32. Vide annotat. 6. ad Gregorium III.

(6) Is postea Gallorum Rex, quo mortuo administratio propè summa Regni fuit penes Catharinam, viventibus tribus Regibus filiis ejus, Francisco II. Carolo IX. & Henrico III.

(7) Spondanus ad annum 1529. §. 10. *Statutum est in Concilio Spirensi à Ferdinando (Rege Hungariæ ac Bohemiæ fratre Caroli Cæsaris) & majori Principum ac Civitatum parte, ut ubi hæcenus decretum Cæsaris Wormatiæ contra hæreticos editum, observatum fuisset, deinceps quoque*



quoque servaretur ; nihil amplius ullibi a  
 Novatoribus inveheretur , donec fieret  
 Concilium universale ; Missa nusquam  
 abrogaretur ; nullibi admitteretur novum  
 dogma Sacramentarium de Ecclesia.  
 Cui decreto cum Joannes Elector Saxo-  
 niae , Georgius Brandenburgicus , Phi-  
 lippus Landgravius Hassiae , fratres Lu-  
 neburgici , aliique nonnulli Principes pa-  
 lam reclamarent , in confesso publico pro-  
 testati sunt , se huic decreto minime assen-  
 tiri. Unde & Protestantes sunt appel-  
 lati : quod nomen postea ad universam se-  
 ctam transiit. Vide Pallavicinum  
 lib. 2. Hist. Conc. Trid. cap. 18. Thua-  
 num lib. I. §. 19 p. 35.

CCXXII.

## PAULUS III.

ANNO CHRISTI 1534.

CAROLI V. IMPERATORIS 16.

PRimo comitali die, Octobris ter-  
 tio decimo, *Alexander Farnesius*

Rayn. an. Romanus, sacri Collegii princeps, &  
 1534. Episcopus Ostiensis, annum agens  
 §. 1. 2. septimum & sexagesimum cooptatus  
 Spond. est, quem eximia atque inveterata vir-  
 §. 18. 20. tus, & præcellentes litteræ magnopere  
 com-